



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

Formulae Antiquae Promotionvm Episcopalivm Editae à Ioanne Cordesio  
Canonico Lemovicensi.

**urn:nbn:de:hbz:466:1-22974**

Hoc audientes memorati patres, assenserunt illorum vocibus, nec ausi sunt contraire quem electio atque proclamatio prosequerentur. Et præsertim assensum tribuit fatibus illorum Dominus Aymiricus Archipræsul, quò statim studuissent sublimare jam prædictum Presbyterum fore Episcopum in huiusmodi episcopatus Helenensis Ecclesiæ decore. Quod omnimodè volentes, supernòque Regi debitas grates gnauiter soluentes, conjunctim liberaliterque, ut soliti sunt, cupitæ misterium affectionis canonice in Riculsum ad-

implere, confirmantes ejusdem electionem & acclamationem, manu propria exarando, & roborationis titulo per hanc membranulam nomina deduxerunt suorum. Acta in publico conventu sanctorum Episcoporum necnon & præclivium primatum & roboratum in loco sanctorum Iusti & Pastoris VI. Kal. Aprilis, Indictione instantis cronis habens lustrum unum. Anòsque duos. Aimiricus Archipræsul. S. Gislandi Episcopi. S. Dagberti Episcopi. S. Poncij Episcopi. S. Alexandri Abbatis.

FORMVLÆ ANTIQVÆ PROMOTIONVM  
EPISCOPALIVM

Editæ à Ioanne Cordeſio Canonico Lemovicenſi.

*Decretum quod clerus & populus firmare debet de electo Episcopo.*

I. **D**ominis patribus illis, venerabilibus scilicet Episcopis dioceſeos metropolitane, clerus, ordo, & plebs huic sanctæ Ecclesiæ specialiter obsequentes. Vestræ paternitati est cognitum quantum temporis est ex quo accidentibus variis eventibus hæc sancta Ecclesia metropolis nostro sit viduata pastore ac destituta rectore. Quod non solum ad nostrum, verum ad vestrum ac omnis dioceſeos detrimentum pertinere dinoscitur, cum totius provincie sollicitudinem Metropolitanò constet esse commissam. Propterea eligimus hujus dioceſeos, hujus Ecclesiæ, Presbyterum nomine illum, nobis sufficientissimè cognitum, natalibus & moribus nobilem, apostolica & ecclesiastica disciplina imbutum, fide catholicum, natura prudentem, docibilem, patientem, moribus temperatum, vita castum, sobrium, humilem, affabilem, misericordem, litteratum, in lege Dei instructum, in scripturarum sensibus cautum, in dogmatibus ecclesiasticis exercitatum, & secundum scripturarum tramitem traditionemque orthodoxorum & canonum ac decretorum sedis apostolicæ Præſulum constitutiones sano sensu ecclesiasticas regulas intelligentem sanòque sermone docentem ac servantem, amplectentem eum qui secundum doctrinam est fidelem sermonem, & cum modestia corri-

pietem eos qui resistunt, & si qui sana doctrinæ adversantur, eis resistere & redarguere prævalentem, hospitalem, modestum, suæ domui bene præpositum, non neophytum, habentem testimonium bonum, in gradibus singulis secundum traditionem ecclesiasticam ministrantem, ad omne opus bonum & satisfactionem omnipotentis rationem de ea quæ in illo est preparatum, quem nobis quantocius petimus ordinari Pontificem; quatenus auctore Domino regulariter nobis præesse valeat & prodesse, & nos sub ejus regimine salubriter Domino militare possimus: quia integritas præſidentium salus est subditorum, & ubi est incolumitas obedientiæ, ibi sanæ est forma doctrinæ. Ut autem omnium nostrum vota in hanc electionem convenire noscatis, huic decreto canonico promptissima voluntate singuli manibus propriis laborantes subscripsimus.

Ille illius Ecclesiæ Archiepiscopus in electionem Domini illius Ecclesiæ illius Episcopi subscripsi.

Isti in ordinationem illius Ecclesiæ illius Episcopi ipso consentiente ordinati consenserunt. quod præſens inscriptio manifestat.

*Aliud decretum cleri & plebis.*

II. Univerſalis Ecclesiæ sacrosanctis patribus, præcipuèque illius dioceſis Præſulibus, Ecclesia illa, unanimitas scilicet totius cleri & plebis, submitte devotionis obsequium in Domino. Ad aures vestræ beatitudinis perveniſſe jam novimus ex-

1. Tim. 3.



cessum piissimi patris & pastoris nostri illius, & qualiter Ecclesia sibi credita præstantissimo pastore sit viduata plurimis terrarum finibus manifestum esse comperimus. Et ideo lacrymabiliter preces unanimis supplicationis vestrae paternitati mitimus, ut nobis in substituendo pastore morem patrum & prædecessorum beatorum Pontificum imitantes, paternum nobis ferre auxilium \*\*\* humiliter poscentibus pio \*\*\* moribus & scientia \*\*\* decoratum comperimus, illum gloriosissimi. \*\*\* decubantem, ejusque servitiis immorantem, nobis expetivimus ..... postulavimus habendum, & per Dei misericordiam quaesivimus. .... cendum. Et quoniam divina miserante clementia in ejusdem postulationis devotione benevoluntate atque concordem prænominatum nostrae unanimiati effecit Regem, juxta hoc quod scriptura testatur dicendo, *Cor Regis in manu Dei est, quocumque voluerit vertet illud*, totius Ecclesiae, cleri scilicet plebisque, in ejusdem præclarissimi viri electione par est devotio, unus idemque assensus, in nullo dissimilis adclamatio; sed sicut nobis est unus Deus, una fides, unumque baptisma, ita & nobis omnibus in supradicti electione pontificalisque ordinis consecratione atque substitutione unum est per omnia velle, & nullum extraneum appetere, quin totius Ecclesiae voce praesenti decreto concorditer & consonanter conclamando, virum memoratum, non simpliciter, sed multiplici sermone

cordis & corporis devotione nobis pastorem eligere, eumque idoneum, quantum nostrae fragilitati nosse conceditur, tanto pontificio esse, sicut voce fateremur, ita etiam omnium nostrorum subscriptionibus devotissime roboramus, & communi adnotationis decreto, Dei misericordiae præduce diuturnitate temporum nobis pastorem habendum eligimus & optamus, more quoque canonico sub gestorum serie confirmamus.

*Epistola vocatoria Metropolitanæ pro consecratione Episcopi electi.*

III. Dilectissimis fratribus & filiis Presbyteris, Diaconis, Honoratis, Clericis, & Possessoribus, vel cunctae plebi illius Ecclesiae, simulque vocato Episcopo illi, M. auxiliante Domino Metropolitanus sanctae sedis apostolicae illius. Dilectionem vestram salubriter alloquimur, quia praedictum talem à vobis electum Episcopum, virum venerabilem, tali Ecclesiae ordinare compellimur, laudemus & honoremus Iesum Christum, ut qui vobis hanc electionis devotionem dedit, nobis quoque perficiendi tribuat facultatem. Iam fatum virum religiosa violentia tenete, & ad sanctam nostram sedem ill. perducere festinate: qui forte magis dignior erit, si se occultare voluerit. Ob quam rem hanc direximus admonitionem, quemadmodum optime placuit sanctae synodo Episcopum sine vocatoria suscipi non debere, ne obscuritas dubiae ordinationis incurrat.

